



Certame Llitterariu La Caleyá Asturica 2015

Dende Astorga/Estorga, capital del territoriu onde'l llatín vieno a ser la llengua de los ástures, la llengua romance que'l sou reinu, el *Asturorum Regnum*/Reinu de Llión, nas suas dóminas más gloriosas, estendió más llonxe las suas llendes y que güei sobrevive malapenas no sou solar natal arrequeixau y marxinau polas que sí tienen abondo apoyu de las instituciones públicas autonómicas y estatales.

Dende Astorga/Estorga, y en llinia cona teórica reconocencia del lliónés pol Estatutu d'Autonomía de la comunidá autónoma conxunta de Llión y de Castiella y col amparu de la *Carta Europea de las Lenguas Minoritarias* que tien robráu el Reinu d'España, l'Asociación Cultural La Caleyá, col valoratible apoyu del Ayuntamiento d'esta capital, convoca una nueva edición d'esti certame llitterariu qu'entamóu nel 2007.

Pola mor de circunstancias nas que no mandamos tamos obligaos a separar las modalidades de poesía y de rellatu curtio en dúas convocatorias. Esti añu ye de rellatu curtio, el viniente sedrá de poesía y asina de siguío.

El Certame ye pa obras orixinales en llengua llionesa d'acordias conas siguientes:

BASES

1. Pueden participar tolos ciudadanos de la Unión Europea a títulu individual y con un únicu trabayu en cada modalidá.
2. Los trabayos tienen que tar escritos en lliónés; almítese cualquier variedá dialectal del dominiu llingüísticu asturllionés, ensin escaecer que'l mirandés de Portugal ye parte d'él.
3. El tema, nesta convocatoria, ye llibre masque se valorarán especialmente los trabayos al rodiu de la idea: **Los nuegos remedios naturales tán ehí.**
4. La obra tien que ser orixinal, inédita y non galardonada anteriormente en nengún concursu llitterariu nin con outru premiu o distinción.
5. Na forma será la del rellatu breve.
6. La extensión máxima del rellatu ye de 10 páxinas.
7. La presentación tien que s'axustar a las normas vinientes:
 - a. Cuatro copias en formatu DIN A4 escritas en lletra Times New Roman 12 y impresas por una sola cara y una copia informática del testu.
 - b. Las páxinas debidamente numberadas y grampadas.
 - c. Na portada consignarase, únicamente: CERTAME LLITTERARIU ASTURICA 2015, el títulu de la obra y el nomatu del autor.



d. Nun sobre zarráu identificáu col nomatu y títulu del trabayu, incluírase una ficha conos datos del participante, (nome y apellidos, señas completas, corréu electrónicu y teléfonu de contautu) y una fotocopia del DNI.

8. El plazu de presentación termina'l 29 febreiru de 2016 y los trabayos tienen que s'unviar a:

Certame Llitterariu Asturica
Ayuntamiento d'Estorga
Plaza España
24700 Estorga (Llión)

Considéranse recibíos dientro'l plazu los trabayos que lleven no matasellos postal una data non posterior a l'amentada. Nun s'almiten trabayos unviaos por corréu electrónicu.

9. El Xuráu vai formase por destacadas personas del ámbitu de la cultura. La composición del mesmu vai dase a conocer oportunamente y ye competente pa decidir sobre cuestiones relatives a esti Certame y que nun figuren espresamente nestas Bases. El secretariu de La Caleyá actúa cumo secretariu del Xuráu con voz y ensin votu.

10. El fallu del Xuráu vai dase a conocer el mesmu día de la entrega de premios, n'actu públicu. Los premiaos habrán de presentase a recoyelos no momentu d'entrega de los mesmos o delegar nuna segunda persona. No casu de nun se presentar perderán la parte económica del premiu.

11. Los participantes desimen a l'asociación convocante de cualquier responsabilidá derivada del plaxu o cualquier outru incumplimientu de la lexislación vixente na que pudieran incurrir los participantes.

12. La Caleyá resérvase por cuatro años el dereitu n'esclusiva de la edición de los trabayos premiaos, al igual que los beneficios que puedan siguise darréu. De los exemplares publicaos, entregaránse 5 a caún de los sous autores.

13. El xuráu resérvase la facultá de declarar los premios ermos en casu de considerar que la calidá de los trabayos nun chega al mínimu esixible.

14. Establécense los siguientes premios:

Primer premiu relatos: 400 € y diploma.
Segundu premiu relatos: 100 € y diploma.
Tercer premiu relatos: Diploma y obsequiu.
Cuartu premiu relatos: Diploma.

15. La presentación al Certame implica l'aceptación de las bases. Cualquier circunstancia non prevista nas mesmas resolveráse de forma inapelable por parte del xuráu.